

PERPUSTAKAAN AWAM PASIR GUDANG

KERATAN AKHBAR BERKAITAN PASIR GUDANG

04 FEB 2017

SABTU



AKHBAR	TAJUK BERITA	M/S
SINAR HARIAN	JALAN 'TERKENA BOM' PERLU DITURAP	2
SINAR HARIAN	TERIMA KASIH MPPG	3



SINAR HARIAN

SINAR HARIAN • SABTU 4 FEBRUARI 2017

HUBUNGI OKLAH SENTRAL: NORSHIKIN MOHD SALLEH - 018-7906798

JOHOR

37

Jalan 'terkena bom' perlu diturap

Keadaan penuh lopak bahayakan penduduk yang berulang-alik gunakan laluan itu

AZIZAN INCHE HARON

PASIR GUDANG - Penduduk Taman Sierra Perdana, di sini menggesa pihak berkenaan agar tampil membina Jalan Sierra Perdana 5 dengan lebih sempurna dan selesa.

Pengerusi Kawasan Rukun Tetangga (KRT) Taman Sierra Perdana A, Shahriah Ismail berkata, ini berikutan permukaan jalan menuju ke surau berhampiran terlalu teruk dan berlopak besar.

Menurutnya, situasi itu sangat membahayakan penduduk yang berulang-alik menunaikan solat berjumlah di surau berkenaan terutama pada waktu malam dan musim hujan.

"Kalau musim hujan jalan ini bukan sahaja lecek, malah bersiko mengundang kemalangan kepada penduduk apabila jalan yang berlopak dipenuhi air dan permukaan jalan yang agak licin.

"Tambahnya pada waktu Maghrib,

Isyak dan Subuh memang jalan agak gelap sangat membimbangkan penduduk yang kebanyakannya menunggang motosikal ke surau," katanya.

Shahriah berkata, jalan berkenaan semakin hari semakin teruk berpunca daripada lori yang keluar masuk ke tapak projek perumahan baharu yang sedang dalam pembinaan.


Menurutnya, pihak berkaitan sepatutnya tidak mengabaikan soal kemudahan infrastruktur penduduk terutama apabila membabitkan soal keselamatan orang ramai.

"Kita minta permukaan jalan seperti terkena bom ini diturap semula kerana kerosakannya semakin teruk.

"Cukuplah dengan beberapa kes penduduk terbasas dan terjatuh daripada motosikal selepas terlanggar lubang kerana kita tak mahu sehingga ada yang terkorban," katanya.



Shahriah menunjukkan keadaan jalan yang terpaksa digunakan penduduk setiap hari ke surau berhampiran.



SINAR HARIAN

SINAR HARIAN • SABTU 4 FEBRUARI 2017

SENTRAL

Terima kasih MPPG

Tindakan bersihkan sampah sisa bangunan dihargai

AZIZAN INCHE HARUN

PASIR GUDANG - Tindakan segera pihak Majlis Perbandaran Pasir Gudang (MPPG) membersihkan sampah sisa bangunan yang dibuang di tengah Jalan Sierra Perdana 5 pada Selasa lalu sangat dihargai penduduk.

Pengerusi Kawasan Rukun Tetangga (KRT) Taman Sierra Perdana A, Shahriah Ismail berkata, ahli jawatankuasanya (AJK) akan sentiasa membuat pemantauan bagi mengesan individu tidak bertanggungjawab yang suka mengambil kesempatan membuang sampah se-suka hati.

Menurutnya, pihaknya berharap perkara serupa tidak akan berulang kerana ia menyusahkan orang ramai.

"Sebelum ini AJK kita pernah menahan dan merampas kunci lori yang sedang membuang sampah sisa bangunan di tanah kosong berhampiran.

"Kita minta mereka menungup semula sampah yang dibuang di situ sebelum memberi amaran agar tidak lagi melakukan perkara sama," katanya.

Sinar Harian Isnin lalu menyiarkan kemarahan penduduk ekoran sikap am-



Longgokan sampah di tengah jalan telah dibersihkan oleh pihak MPPG.

bil mudah pihak tidak bertanggungjawab membuang sampah sisa bangunan di tengah jalan.

Longgokan sampah berkenaan bertaburan di atas

permukaan jalan lebih kurang jam 7 pagi Jumaat lalu sehingga hampir dilanggar kenderaan yang melalui jalan itu untuk susur ke Lebuhraya Penyerai Timur (EDL).

